

27.06.2025

UKA2025/87

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara.

Utoqqaat pillugit siunnersuisooqatigiinnik kommunit tamarmik kingusinnerpaamik ukiakkut ataatsimiinnermi 2027-mi peqalernissaannut Naalakkersuisut inatsimmik siunnersuuteqarnissaannut peqqunneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens NapātôK' Naleraq)

Tunngavilersuut:

Nunatsinni utoqqaat innuttaasut amerliartortunut ilaapput, taakkulu misilittagaqarluarput, ilisimasaqarlutik paasisimasaqarluarlutillu inuiaqatigiitsinnut iluaqutaasariaqartumik. Utoqqarpassuilli politikikkut aalajangiiniarnerni qarsupinneqartutut misigisimasarput, pingaartumik sumiiffimmi ineriartortitsineq, atugarissaarneq peqqinnissaqarfitsigullu kiffartuussinerit eqqarsaatigalugit.

Utoqqaat atukkaminnut toqqaannarnerusumik sunniuteqarnissaminut piginnaatitaaffeqarnissaat Naleqqamit isumaqarfigaarput. Kommunalbestyrelsenit Naalakkersuisunillu tusarniaavigineqarsinnaasunik, suliassanik pilersitsisinnaasunik oqaloqatigineqarsinnaasunillu, taamaattumik kommunini tamani Utoqqarnut Isumalioqatigiissitaqarnissaq siunnersuutigaarput.

Utoqqarnut Isumalioqatigiissitanut anguniagaq:

1. Aalajangiinernut imminnut tunngasunik utoqqaat tamat oqartussaaqataaneranni sunniuteqarnissaasa nukittorsarneqarnissaat.
2. Utoqqaat misilittagaasa siunnersuutaasalu tusarneqarlutik politikikkut allaffissornikkullu ingerlariaatsini atorneqalernissaat.
3. Piffinni utoqqarnut pitsaanersumik tulluunnerusumillu iluarsisutitut pilersaarusiornerit, peqqinnissaqarfitsigut, angallannikkut inissatigullu aaqqiissutissanut peqataatinneqarnissaat.

4. Piffinni Utoqqarnut Isumalioqatigiissitaq isummaminnik tunniussaqaarsinnaapput nuna tamakkerlugu Utoqqarnut Illersuisoq suleqatigineratigut.

Siunnersuummi qulequttat pingaarnert:

- Utoqqarnut Isumalioqatigiissitamik kommunit tamarmik 2027 naatinngu pilersitsinissamut pisussaaffilerneqarnissaat.
- Utoqqarnut Isumalioqatigiissitaq 60-ileerisimasunik qinikkanik ilaasortaqaassaaq.
- Suliani tamani Kommunalbestyrelsit utoqqarnut tunngasuni suliani Utoqqarnut Isumalioqatigiissitaq tusaasassavaa.
- Utoqqarnut Isumalioqatigiissitat ukiumut nalunaarusiortassapput pitsanngorsaatisannullu tigussaasunik siunnersuuteqaarsinnaallutik.

Pisortanut aningaasatigut allaffissornikkullu kingunerisassai:

Siunnersuutip suliarineqarnerani pisortani allaffissornikkut aningaasatigut kingunerisassai naliginnaasumik AC-fuldmægtigip ukiumut ilivitsumut sulinermit naleqartinneqarpoq, tassa 500.000 koruunit

Utoqqarnut Isumalioqatigiissitat missingersuutaat Meeqqat Oqaaseqartartuannut sanillersuunneqarsinnaavoq ukiumut missingersuutit 6.4 mio. koruuniupput taakkulu kommunini tallimani agguarneqarsimallutik. Tamanna isumalioqatigiissitanut ataasiakkaarlugit 1.2 mio. koorunik peqalersitsivoq piffinni sammisassaqaartitsinernut oqalutseqarnikkut nutserisitsinernut assigisaannullu atorneqarsinnaasunik.

Namminersortunut aningaasaatigut allaffissornikkullu kingunerisassai:

Siunnersuutip suliarineqarnerani namminersortunut aningaasatigut sunniuteqarnavianngilaq.

Innuttaasunut aningaasatigut allaffissornikkullu kingunerisassai:

Pilersaarutip suliarineqarnera innuttaasunut sunniuteqarnavianngilaq.

Siunnersuutip suliarineqarnerani anguniagaavoq inuiaqatigiinni utoqqarnik peqataatitsinissamut tamanillu takuneqarsinnaasumik periarfissiinikkut, tamannami aamma innuttaasunit ujjartorneqarmat.